

四庫全書

集部

欽定四庫全書

御定全唐詩卷八十六

張說

奉和聖製賜諸州刺史應制以題坐右

文明遍禹跡
鰥寡達堯心
正在親人守
能令王澤深
朝廷多秀士
鎔鍊比精金
犀節同分命
熊軒各外臨
聖主賦新詩
穆若聽薰琴
先言教為本
次言則是欽
三時農不奪
午夜犬無侵
願使天宮內
品物遂浮沈
寄情羣飛

鶴千里一揚音共躡華胥夢龔黃安足尋

奉和聖製送宇文融安輯戶口應制

至德臨天下勞情遍九圍念茲人去本遂轉將何依外
避征戍數內傷親黨稀嗟不逢明盛胡能照隱微柏臺
簡行李蘭殿錫朝衣別曲動秋風恩令生春輝使出四
海安詔下萬心歸忤非夔龍佐徒歌鴻雁飛

奉和聖製過晉陽宮應制

太原俗尚武高皇初奮庸星軒三晉躔土樂二一作堯

封北風遂舉鵬西河亦上龍至德起王業繼明賴人雍
六合啓昌期再興廣聖蹤傳呼大駕來文物如雲從連
營火百里縱觀人千重翠華渡汾水白日臨一作峰
粉榆恩賞洽桑梓舊情恭往運感不追清時惜難逢詩
發尊祖心頌刊盛德容願君及春事迴輿綏萬邦

奉和聖製行次成臯

太宗擒竇建德處

應制

夏氏階隋亂自言河朔雄王師進穀水兵氣臨山東前
埽成臯陣却下洛陽宮義合帝圖起威加天寓同軒臺

百年外虞典一巡中戰龍思王業倚馬賦神功

奉和聖製溫湯對雪應制

瑞雪帶寒風寒風入陰琯陰琯方凝閉寒風復淒斷宮

似瑤林匝庭如月華滿王賡

一作歎

挾纈詞非近溫湯

一作

溫
泉
暖

奉和聖製義成校獵喜雪應制

文教資武功郊畋閱邦政不知仁育久徒看禽獸盛夜

霰氛埃滅朝日山川淨綽仗飛走繁抨絃筋角勁帝射

參神道龍馳合人性五紀連一發百中皆先命勇爵均
萬夫雄圖羅七聖星為吉符老雪作豐年慶喜聽行獵
詩威神入軍令

清明日詔宴寧王山池賦得飛字

今日清明宴佳境惜芳菲搖揚花雜下嬌囀鴛鴦飛綠
渚傳歌榜紅橋度舞旂和風偏應律細雨不需衣承恩
如改火春去春來歸

四月十三日詔宴寧王亭子賦得好字

何許承恩宴山亭風日好綠嫩鳴鶴洲陰襪鬪雞道果
思夏來茂花嫌春去早行樂無限時皇情及芳草

藥園宴武輅沙將軍賦得洛字

東第乘餘興南園晏清洛文學引鄒枚歌鐘陳衛霍風
高大夫樹露下將軍藥待聞出塞還丹青上麟閣

修書院學士奉敕晏梁王宅賦得樹字

虎殿成鴻業猿巖題鳳賦既荷大君恩還蒙小山遇秋
吹迎絃管涼雲生竹樹共惜朱邸歡無辭洛城暮

夕宴房主簿舍

并序

旅聽清館崇局嚴鑰巖雲暗山微月白夜悄羣動
之俱息感孤鴻之遠音有美房公霞海其量友我
以絲竹好我以樽俎紓蘊結之雅懷豁幽曠之陳
意滿堂既醉因賦是詩

歲晏闌雍空風急河渭水薄遊羈物役微尚愜遠憑旅
館月宿永閉扃雲思興伊人美修夜朋酒惠來稱交談
既清雅琴吹亦淒凝不逢君蹇澗幽意長鬱烝

行從方秀川與劉評事文同宿

方秀美盤遊頻年降天旱水共伊川接山將闕門斷捧
日照恩華攀雲引疲散野宿霜入帳孤衾寒不暖靜聞
宮漏疎卧視庭月滿開爐命溫酎中夜發清管風送關
山長氣邁星歲短寓言情思愜適興真意坦囊中病羈
掛方外嫌縱誕願君樂盛時無嗟帶纒緩

送郭大夫元振再使吐蕃

犬戎廢東獻漢使馳西極長策問酋渠一作攜阻自夷

亟容髮徂邊歲旌裘敝海色五年一見家妻子不相識
武庫兵猶動金方事未息遠圖待才智苦節輸筋力脫
刀贈分手書帶加餐食知君萬里侯立功在異域

送李侍郎迥秀薛長史季昶同賦得水字

漢郡接胡庭幽并對烽壘旌旗按部曲文武惟卿士薛
公善籌畫李相威邊鄙中冀分兩河長城各萬里藉馬
黃花塞蒐兵白狼水勝敵在安人為君汗青史

別平一師

王子不事俗高駕眇難追茅土非屑盼傾城無樂資宴
坐深林中三世同一時皎皎獨往心不為塵網欺竭來
已復去今去何來思廻首謝同行勤會安請期

送王光庭

同居洛陽陌經日懶相求及爾江湖去言別悵悠悠楚
雲眇羈翼海月倦行舟愛而不可見徒嗟芳歲流

新都南亭送郭元振盧崇道

一作盧崇道詩題
云新都南亭送郭

大元
振

竹徑女蘿蹊蓮洲文石隄靜深人俗斷尋玩往還迷碧
潭秀初月素林驚夕棲褰幌納蟾影理琴聽猿啼佳辰
改宿昔勝寄坐暌攜長懷賞心愛如玉復如珪

贈崔公

我聞西漢日四老南山幽長歌紫芝秀高卧白雲浮朝
野一作市光塵絕榛蕪年貌秋一朝驅駟馬連轡入龍樓

昔遯高皇去今從太子遊行藏惟聖節福禍在人謀卒
能匡惠帝豈不賴留侯事隨年代遠名與圖籍留平生

欽淳德懷慨景前修蟠蛤伺

一作想

陰兔蛟龍望斗牛無

嗟異飛伏同氣幸相求

贈趙公

湘東股肱守心與帝鄉期舟楫中途蹇風波復來思嘉

我常聯翼金貂侍玉墀迹參前馬聖

黃帝遇牧馬童子稱天師而退

名

綴鬻熊師寒暑一何速山川遠間之寧知洞庭上獨得

平生時精意微絕簡從權討妙棋林壑為予請紛靄發

華滋流賞忽已散驚帆杳難追送君在南浦佗僚投此

詞

贈趙侍御

祿放跡異端偏荒事同塞苟忘風波累俱會雲壑踐險
式壓西湖僑廬對南峴夜樓江月入朝幌山雲捲山勢
遠濤連江途斜漢轉坐嘯予多暇行吟子獨善並轡躡
郊郭方舟玩遊演虛聲萬籟分水色千里辨不知岸陰
謝再見春露泣綠壤發欣顏華年助蟲篆上世時難接
古人情可選泊渚煩為媒多才怨成編長沙鵬作賦任

道可知淺請從三己心榮辱兩都遣

答李伯魚桐竹

結廬桐竹下室邇人相深接垣分竹徑隔戶共桐陰落
花朝滿岸明月夜披林竹有龍鳴管桐留鳳舞琴竒聲
與高節非吾誰賞心

寄姚司馬

共君春種瓜本期清夏暑瓜成人已去失望將誰語裛
露摘香園感味懷心許偶逢西風便因之寄鄂渚

代書答姜七崔九

婀娜金閨樹，離披野田草。
雖殊兩地榮，幸共三春好。
花殊鳥飛處，葉鏤蟲行道。
真心獨感人，惆悵令人老。

代書寄吉十一

一雁雪上飛，值我衡陽道。
口銜離別字，遠寄當歸草。
目想春來遲，心驚寒去早。
憶鄉乘羽翮，慕侶盈懷抱。
零落答故人，將隨江樹老。

代書寄薛四

孤雁東飛來寄我紋與素紋足經三象素當綜羣務遠
見故人心一言重千金答之綵毛翰繼以瑤華音歲寒
衆木改松柏心常在

過蜀道山

我行春三月山中百花開披林入峭嶺攀磴陟崔嵬白
雲半峰起清江出峽來誰知高深意緬邈心幽哉

蜀路二首

雲埃夜澄廓山日曉晴鮮葉落蒼江岸鴻飛白露天磷

磷含水石罍罍覆林煙客心久無緒秋風殊未然

徭蜀時未改別家鄉念盈憶昨出門日春風發鮮榮及
茲旋轅地秋風滿路生昏曉思魏關夢寐還秦京秦京
開朱第魏關垂紫纓幽獨玄虛閣不聞人馬聲藝業為
君重名位為君輕玉琴知調苦一作古寶鏡對膽清鷹飢
常啄腥鳳飢亦待瓊於君自有屬物外豈能輕

再使蜀道

眇眇葭萌道蒼蒼褒斜谷煙壑爭晦深雲山共重複古

來風塵子同眩望鄉目芸閣有儒生輶車倦馳逐青春
客岷嶺白露搖江服歲月鎮羈孤山川俄反覆魚遊戀
深水鳥遷戀喬木如何別親愛坐去文章國蟋蟀鳴戶
庭蠨蛸網琴筑

江路憶郡

霧斂江早明星翻漢將沒卧聞峽猿響起視榜人發倚
棹攀岸條憑船弄波月水宿厭洲渚晨光屢揮忽林澤
來不窮煙波去無歇結思莖筍里搖情遊俠窟年貌不

暫留歡愉及玄髮雲濤戀山海禽馬懷燕越自非行役
人安知慕城闕

過漢南城歎古墳

舊國多陵墓荒涼無歲年洶湧蔽平岡泊若波濤連上
世千金子潛卧九重泉松柏剪無餘碑記滅罔傳葬於
不毛地咸謂楚先賢事盡情可識使人心悵然

至尉氏

夕次阮公臺嘯歌臨爽塏高名安足賴故物今皆改吾

兄昔茲邑遺愛稱賢宰桑中雉未飛屋上烏猶在途逢

舊吏城有同寮家望塵遠見迎

一作遠見咸相迎

拂館來欣

待慈惠留千室友于存四海始知魯衛間優劣相懸倍

襄州景空寺題融上人蘭若

高名出漢陰禪閣跨香岑衆山既圍繞長川復迴臨雲

峰曉靈變風木夜虛吟碧湫龍池滿蒼松虎徑深舊知

青巖意偏入杳冥

一作冥冥

心何由侶飛錫從此脫朝簪

巡邊在河北作

撫劍空餘勇，彎弧遂無力。老去事如何，據鞍長歎息。故交索將盡，後進稀相識。獨憐半死心，尚有寒松直。

入海二首

乘桴入南海，海曠不可臨。茫茫失方面，混混如凝陰。雲山相出沒，天地互浮沈。萬里無涯際，云何測廣深。潮波自盈縮，安得會虛心。

海上三神山，逍遙集衆仙。靈心豈不同，變化無常全。龍伯如人類，一釣兩鰲連。

一作懸

金臺此淪沒，玉真時播遷。

問子勞何事江上泣經年隰中生紅草所美非美然

相州山池作

嘗懷謝公詠山水陶嘉月及此年事衰徒看衆花發觀
魚樂何在聽鳥情都歇星漢流不停蓬萊去難越鄴中
秋麥秀淇上春雲沒日見塵物空如何靜心闕

岳州作

夜夢雲闕間從容簪履列朝遊洞庭上緬望京華絕潦
收江未清火退山更熱重欵視欲醉懜滿氣如噎器留

魚鼈腥衣點蚊蚋血髮白思益壯心玄用彌拙冠劍日
苔蘚琴書坐廢撤唯有報恩字刻意長不減

岳州行郡竹籬

山郡不溝郭荒居無翳壘愛人忠主利善守閉為勇苟
非小勤瘁安得期逸寵版築恐土疎蓑城嫌役重藩柵
聊可固筠簟近易奉差池截浦沙繚繞緣隈壠矗似長
雲亘森如高戟聳預絕豺狼憂知免牛羊恐閭里寬矯
步榛藂恣踏踵始果遊處心終日成間拱

遊洞庭湖湘

緬邈洞庭岫，蔥蒙水霧色。宛在太湖中，可望不可即。剖
竹守窮渚，開門對奇域。城池自縈籠，纓綬為徽纆。靡日
不思往，經時始願克。飛棹越溟波，維舟恣攀陟。尋窾入
雲步，崎嶇倚松息。巖壇有鶴過，壁宇無人識。滴石香乳
溜，垂崖靈草植。玩幽輕霧阻，討異忘暍逼。寒沙際水平，
霜樹籠煙直。空宮聞莫覩，地道窺難測。此處學金丹，何
人生羽翼。誰傳九光要，幾拜三仙職。紫氣徒想像，清潭

長眇默霓裳若有來觀我雲峰側

澠湖山寺

楚老遊山寺提攜觀畫壁揚袂指辟支
睍眄相關閱險哉透撞兒千金賭一擲
成敗身自受傍人那歎息

出湖寄趙冬曦

西泛平湖盡參差入亂山東瞻岳陽郡
汗漫太虛間窘步同行樂適文互屢看
山戍上雲桂江亭臨水關川途倏忽間
風景依如昨湘浦未賜環荆門猶主諾
何時與

美人

一作得
余美

載酒遊宛洛

岳陽早霽南樓

山水佳新霽南樓玩初旭夜來枝半紅雨後洲全綠四

運相終始萬形紛代續適臨青草湖再變

一作鼓

黃鸝曲

地穴穿東武江流下西蜀歌聞枉渚遭舞見長沙促心

阻意徒馳

一作心遠
居無陋

神和生自足白髮悲上春知常謝

先

一作
元欲

岳陽石門墨山二山相連有禪堂

一作道

觀天下

絕境

困輪江上山近在華容縣常涉巴丘首天晴遙可見佳
遊屢前諾芳月愆幽眷及此符守移歡言臨道便既攜
賞心客復有送行掾竹徑入陰宵松蘿上空蒨草共林
一色雲與峰萬變探窺石門斷緣越沙間轉兩山勢爭
雄峰巘相顧眇藥妙靈仙寶境華巖壑選清都西淵絕
金地東敞宴池果接園畦風煙邇臺殿高尋去石頂曠
覽天宇遍千山紛滿目百川豁對面騎來雲氣迎人去

鳥聲戀長揖桃源士舉世同企羨

和尹悉秋夜遊澠湖

坐嘯人事閒佳遊野情發山門送落照湖口昇微月林
尋猿狖居水戲黿鼉穴朔風吹飛雁芳草亦云歇

五君詠五首

并序

達志美類刺異感義哀事顏氏之心也擬焉

魏齊公元忠

齊公生人表迥天聞鶴唳清論早揣摩玄心晚超詣入

相廊廟靜出軍沙漠霽見深
呂祿憂舉後陳平計甘心
除君惡足以報先帝

蘇許公瓌

許公信國禎克美具瞻情
百事資朝問三章廣世程
處高心不有臨節自為名
朱戶傳新戟青松拱舊塋
淒涼丞相府餘慶在玄成

李趙公嶠

李公實神敏才華乃天授
睦親何用心處貴不忘舊
故

事遵臺閣新詩冠宇宙在人忠所奉惡我誠將宥南浦
去莫歸嗟嗟蔑孫秀

郭代公元振

代公舉鵬翼懸飛摩海霧志康天地屯適與雲雷遇興
畏一言決安危萬心注大勲書王府殫一作窄命淪江路
勢傾北夏門哀靡東平樹

趙耿公彥昭

耿公山嶽秀

一作靈

才傑心

一作思
遠神

亦妙驚鳥峻標立哀

良一作玉扣一作清調協贊休明啓恩華日月照何意瑶

臺雲風吹落江徼湘流下潯陽灑淚一投弔

遊龍山靜勝寺

每上襄陽樓遙望龍山樹鬱茀吐岡嶺微蒙在煙霧下

車歲已成飾馬間

一作問

餘步苦霜裏野草愛日揚江照

雲對石上塔風吹

一作入

松下路禪室宴三空神祠同一作

圖六趣兒童共戲謔猿鳥相驚顧南識桓公

一作恒山臺北

望先賢墓世上人何在時聞心不住但傳無盡燈可使

有情悟

一柱觀

舊說江陵觀初疑神化來空山結雲閣綺靡隨風回奈
何任一柱斯焉容衆材奇功非長世今餘草露臺

登九里臺是樊姬墓

楚國所以霸樊姬有力焉不懷沈尹祿誰諳

一作
進

叔敖

賢萬化茫無在孤墳獨歸然北分陽臺陌南識郢城阡
漠漠渚宮樹蒼蒼雲夢田登高形勝出訪古今名傳自

我來符守因君樹蕙荃詩書將變俗締續忽彌年志聞

一作關 三折後愁值二毛前佇立帝京路遙心寄此篇

過懷王墓

呶嘍一作不可信以一作此敗懷王客死堯關路返葬

岐江陽啼狖抱山月飢狐獵野霜一聞懷沙事千載盡

悲涼

聞雨

多雨絕塵事寥寥入太玄城陰疎復合簷滴斷還連念

我勞造化從來五十年悞將心徇物近得還自然閒居
草木倚虛室鬼神憐有時進美酒有時泛清絃聲真不
世識心醉豈言詮

夜坐

懷哉四壁時未有五都價百金誰見許斗酒難為貫落
花生芳春孤月皎清夜復逢利交客題戶遙相謝

山夜聞鐘

夜卧聞夜鐘夜靜山更響霜風吹寒月竄窳虛中上前

聲既春容後聲復晃盪聽之如可見尋之定無像信知
本際空徒掛生滅想

冬日見牧牛人擔青草歸

塞上綿應折江南草可結欲持梅嶺花遠競榆關雪日
月無他照山川何頓別苟齊兩地心天問將安說

詠鏡

寶鏡如明月出自秦宮樣隱起雙螭龍銜珠儼相向常
恐君不察匣中委清量積翳掩菱花虛心蔽塵狀倘蒙

羅袖拂先生玉臺上

詠瓢

美酒酌懸瓢真淳好相映
蝸房卷墮首鶴頸抽長柄
雅色素而黃虛心輕且勁
豈無雕刻者貴此成天性

雜詩四首

抱薰心常焦舉旆心常搖
天長地自久歡樂能幾朝
君看西陵樹歌舞為誰嬌

山間苦積雨木落悲時遽
賞心凡幾人良辰在何處
觸

石湍堂侈灑我終夕慮客鳥懷主人銜花未能去剖珠
貴分明琢玉思堅貞要君意如此終始莫相輕

問子青霞意何事留朱軒自言心遠俗未始迹辭喧過
蒙良時幸側息吏途煩簪纓非宿好文史棄前言夕卧
北窗下夢歸南山園白雲慙幽谷清風愧泉源十年茲
賞廢佳期今復存掛冠謝朝侶星駕別君門

默念羣疑起玄通百慮清初心滅陽豔復見湛虛明悟
滅心非盡求虛見後生應將無住法修到不成名

和張監遊終南

宿懷終南意及此語雲峰夜聞竹澗靜曉望林嶺重春
煙生古石時鳥戲幽松豈無山中賞但畏心莫從

古泉驛

於陵仲子宅也

昔聞陳仲子守義辭三公身賃妻織屨樂亦在其中豈
無窮賤苦羞與傾巧同長白臨河上於陵入濟東我行
弔遺跡感歎古泉空

河上公

尊師厭塵去精魄知何明形氣不復生

一作往

弟子空傷

情濟北神如在淮南藥未成共期終莫遂寥落兩無成

一作名

奉和聖製初入秦川路寒食應制

上陽柳色喚春歸臨渭桃花拂水飛總為朝廷巡幸去

頓教京洛少光輝昨從分陝

一作汾

山南口馳道依依漸

花柳入關正投寒食前還京遂落清明後路上天心重

豫遊御前恩賜特風流便幕那能鏤鷄子行宮善巧帖

毛毬渭橋南渡花如撲麥隴青青

一作草

斷人目漢家行

樹直新豐秦地驪山抱溫谷香池春溜水初平預歡浴
日照京城今歲隨宜過寒食明年陪宴作清明

時樂鳥篇

并序

伏見天恩以靈異鸚鵡及能延京所述篇出示朝
列臣按南海異物志有時樂鳥鳴云太平天下有
道則見驗其圖丹首紅臆朱冠綠翼鸞領文背糴
以五色今此鳥本南海貢來與鸚鵡狀同而毛尾

全異其心聰性辨護主報恩固非凡禽實瑞經所
謂時樂鳥延京雖叙其事未正其名望編國史以
彰聖瑞臣竊同延京獻詩一首

舊傳南海出靈禽時樂名聞不可尋形貌乍同鸚鵡類
精神別稟鳳凰心千年待聖方輕舉萬里呈才無伴侶
紅茸糝繡好毛衣清冷謳鵲好言語內人試取御衣牽
啄手暝聲不許前心願陽烏恒保日志嫌陰鶴欲凌天
情玩訝良無已察圖果見祥經裏本持符瑞驗明王

還用文章比君子自憐弱羽詎堪珍
喜共華篇來示人見嚶嚶報恩鳥
多慚碌碌具官臣

安樂郡主花燭行

青宮朱邸翊皇闈玉葉瓊蕤發紫微
姬姜本來舅甥國卜筮俱道鳳凰飛
星昴殷冬獻吉日夭桃穠李遙相匹
鸞車鳳傳王子來龍樓月殿天孫出
平臺火樹連上陽紫炬紅輪十二行
丹爐飛鐵馳炎焰炎霞爍電吐明光
綠輶一作屏紺幟紛如霧節鼓清笳前啓路
城隅靡靡稍

東還橋上鱗鱗轉南渡五方觀者聚中京
四合塵煙漲洛城商女香車珠結網
天人寶馬玉繁纓百壺淥酒千斤肉
大道連延障錦軸先祝聖人壽萬年復
禱宜家承百祿珊瑚刻盤青玉尊因之
假道入梁園梁園山竹凝雲漢仰望高
樓在天半翠幕蘭堂蘓合薰珠簾掛戶
水波紋別起芙蓉織成帳金縷鴛鴦兩
相向罽茵飾地承瑠履花燭分階移錦
帳織女西垂隱燭臺雙童連縷合歡杯
藹藹綺庭嬪從列娥娥紅粉扇中開黃
金兩印雙

花綬富貴婚姻古無有清歌棠棣美王姬流化邦人正
夫婦

離會曲

何處送客洛橋頭洛水泛泛中行舟可憐河樹葉萎蕤
關關河鳥聲相思街鼓喧喧日將一作云夕去棹歸軒兩
相迫何人送客故人情故人今夜何處客

鄴都引

君不見魏武草創爭天祿羣雄睚眦相馳逐畫攜壯士

破堅陣夜接詞人賦華屋都邑繚繞西山陽桑榆汗漫
漳河曲城郭為虛人代改但有西園明月在鄴傍高塚
多貴臣娥眉一作曼共灰塵試上銅臺歌舞處唯有
秋風愁殺人

城南亭作

珂馬朝歸連萬石稍門洞啓親迎客北堂珍重琥珀酒
庭前列肆茱萸席長袖遲回意緒多清商緩轉日騰波
舊傳比翼侯家舞新出將雛主第歌漢家絳灌餘兵氣

晉代浮虛安足貴正逢天下金鏡清偏加日飲醇醪意
誰復遨遊不復歸閒庭莫畏不芳菲會待城南春色至
竟將花柳拂羅衣

同趙侍御乾湖作

江南湖水咽山川春江溢入共湖連氣色紛淪橫罩海
波濤鼓怒上漫天鱗宗殼族嬉為府弋叟眾師利焉聚
敲帆側柁弄風口赴險臨深繞灣浦一灣一浦悵遶迴
千曲千澹恍迷哉乍見靈妃含笑往復聞遊女怨歌來

暑來寒往運涸湫潭生水落移陵谷雲間墜翮散泥沙
波上浮查棲樹木昨暮飛霜下北津今朝行雁度南濱
處處溝洫清源竭年年舊葦白頭新天地盈虛尚難保
人間倚伏何須道秋月晶晶泛澄瀾冬景青青步纖草
念君宿昔觀物變安得躊躇不衰老

巡邊在河北作

去年六月西河西今年六月北河北沙場磧路何為爾
重氣輕生知許國人生在世能幾時壯年征戰髮如絲

會待安邊報明主作頌封山也未遲

贈崔二安平公樂世詞

十五紅粧侍綺樓朝承握槊夜藏鉤君臣一意金門寵
兄弟雙飛玉殿遊寧知宿昔恩華樂變作瀟湘離別愁
地濕莓苔生舞袖江聲怨歎入瑩篴自憐京兆雙眉嫵
會待南來五馬留

送尹補闕元凱琴歌

公善琴

鳳哉鳳哉啄琅玕飲瑤池棲崑崙之山哉中國有聖人

感和氣飛來飛來自歌自舞先王冊府麒麟之臺羈雌
衆離故山曲其鳴喈喈其鳴喈喈欲往銜之歟去來去
別鸞鳳心徘徊明年阿閣梧桐花葉開羣飛鳳歸來羣
飛鳳歸來

送考功武員外學士使嵩山署舍利塔

懷玉泉戀仁者寂滅真心不可見空留影塔嵩巖下寶
王四海轉千輪金曇百粒送分身山中二月娑羅會虛
唄遙遙愁思人我念過去微塵劫與子禪門同正法雖

在神仙蘭省間常持清淨蓮花葉來亦好去亦好了觀
車行馬不移當見菩提離煩惱

遥同蔡起居偃松篇

清都衆木總榮芬傳道孤松最出羣名接天庭長景色
氣連宮闕借氛氲懸池的的停華露偃蓋重重拂瑞雲
不借流膏助仙鼎願將楨幹捧明君莫比冥靈楚南樹
朽老江邊代不聞

御定全唐詩卷八十六

欽定四庫全書

集部

御定全唐詩卷八十七至九

詳校官庶吉士臣胡鉦

主事銜臣徐以坤覆勘

總校官知縣臣繆琪

校對官中書臣李荃

謄錄監生臣任揖文

欽定四庫全書

御定全唐詩卷八十七

張說

奉和聖製登驪山矚眺應制

寒山上半空
臨眺盡寰中
是日巡遊處
晴光遠近同
川明分渭水
樹暗辨新豐
巖壑清音暮
天歌起大風

奉和聖製幸白鹿觀應制

洞府寒山曲
天遊日旰迴
披雲看石鏡
拂雪上金臺
竹

徑龍驤下松庭鶴轡來雙童還獻藥五色耀仙材

奉和聖製送金城公主適西蕃應制

青海和親日潢星出降時戎王子墜寵

一作禮

漢國舅家

慈春野開離讌雲天起別詞空彈馬上曲詎減鳳樓思

一作悲

奉和同皇太子過慈恩寺應制二首

翼翼宸恩永煌煌福地開離光升寶殿震氣繞香臺上

界幡花合中天伎樂

一作日月

來願君無量壽仙樂屢徘徊

朗朗神居峻軒軒瑞象威聖君成願果太子拂天衣至
樂三靈會深仁四皓歸還聞渦水曲更繞白雲飛

侍宴武三思山第應制賦得風字

梁王池館好曉日鳳樓通竹町羅千衛蘭筵降兩宮清
歌芳樹下妙舞落花中臣覺筵中聽還如大國風

奉和聖製過寧王宅應制

進酒忘憂觀簫韶喜降臨帝堯敦族

一作睦

禮王季友兄

心竹院龍鳴笛梧宮鳳遶林大風將小雅一字盡千金

奉和聖製同玉真公主過大哥山池題石壁應

制

綠竹初成苑丹砂欲化金乘龍與驂鳳歌吹滿山林爽

氣凝情

一作波

迥寒光映浦深忘憂題此觀為樂賞同心

奉和聖製賜王公千秋鏡應制

寶鏡頒神節凝規寫聖情千秋題作字長壽帶為名

長以

綬為帶取長壽之義

月向天邊下花從日裏生不承懸象意誰辨

照心明

奉和聖製經鄒魯祭孔子應制

孔聖家鄒魯儒風藹典墳龍驂迴舊宅鳳德詠餘芬
入室神一作人如在升堂樂似聞懸知一王法今日待明君

侍宴藁荷亭應制

回鑾青嶽觀帳殿紫煙峰仙路迎三鳥雲衢駐兩龍園
林看化一作故塔壇墀識餘封山外聞簫管還如天上逢

三鳥見劉向九辯惜
賢篇兩龍出山海經

侍宴瀟水賦得濃字

千行發御柳一葉下仙筇青浦宸遊至朱城佳氣濃雲霞交暮色草樹喜春容藹藹天旗轉清笳入九重

奉和聖製同劉晃喜雨應制

青氣含春雨知從岱嶽來行雲避師出灑雨待車迴厭浥塵清道空濛柳映臺最宜三五夜晴月九重開

奉和聖製觀拔河俗戲應制

今歲好拖鉤橫街敞御樓長繩繫日住貫索挽河流鬪力頻催鼓爭都更上籌春來百種戲天意在宜秋

奉和聖製途次陝州應

周召嘗分陝詩書空復傳何如萬乘睠追賞二南篇郡
帶洪河側宮臨大道邊洛城將日近佳氣滿山川

奉和聖製野次喜雪應制

寒更玉漏催曉色御

一作幄

前開決滌雲陰積氤氲風雪

迴山知銀作甕宮見壁成臺欲驗豐年象飄搖仙藻來

奉和聖製溫泉言志應制

溫谷媚新豐驪山橫半空湯池薰水殿翠木暖煙宮起

疾逾仙藥無私合聖功始知堯舜德心與萬人同

皇帝降誕日集賢殿賜宴

仲秋金帝起五日土行昭

一作標

瑞表壬寅露光傳甲子

宵陰風吹大澤夢日照昌朝不獨華封老千年喜祝堯

晦日詔宴永穆公主亭子賦得流字

堂邑山林美朝恩晦日遊園亭含淑氣竹樹遶春流舞
席千花妓歌船五彩樓羣歡與王澤歲歲滿皇州

恩制賜食於麗正殿書院宴賦得林字

東壁圖書府西園

一作垣

翰墨林誦詩聞國政講易見天

心位竊和羹重恩叨醉酒深緩

一作載

歌春興曲情竭為

知音

羽林恩召觀御書王太尉碑

隴首名公石來承聖札歸魚龍生意態鉤劍動鏐輝字
得神明保詞慙少女徽誰家羽林將又逐鳳書飛

東都酺宴四首

先天元祀孟冬十月東都留守韋公黃奉聖朝述

宣嘉旨乃合洛京之五省招河伊之二縣將吏咸
集佩章有序鏘鏘濟濟侃侃閭閻供張于興教之
門式醑宴也原夫樂生于心非因結風之奏和達
于氣無待陽春之節蓋澤之所及也深則情之所
感者遠國家天地一統君臣百年朝榮舊德之序
野賴先疇之業玄化漸漬洪恩既久太上功德不
宰夏后命子之初皇帝孝理無為漢祖事親之日
生堯舜于天屬見文武于同時前古未逢斯人何

幸是日六樂振作萬舞萬弱鳥獸徘徊士女踴躍
則知衆庶觀德之所樂也旨酒絡繹大庖燔炙芳
溢風煙醉流阡陌又知衣冠之所適也由近而視
遠萬國之慶皆然自明而察幽三靈之欣可接若
夫吟詠德澤播越人聲斯固雅頌之餘波政教之
遺美凡我詞客安敢闕如賦詩展事垂列于後
重華昇寶歷軒帝眇閒居政成天子孝俗返上皇初忘
味因觀樂歡心寄合醑自憐疲馬意戀戀主恩餘

朱城塵暄滅翠幕景情開震震靈鼉起翔翔舞鳳來雕盤裝草樹綺乘結樓臺共喜光華日酣歌捧玉杯

曉月調金闕

一作鼓

朝暉對玉盤爭馳羣鳥散鬪伎百花

團遇聖人知幸承恩物自歡洛橋將舉燭醉舞拂歸鞍
愜宴惟今席餘歡殊未窮入雲歌嫋嫋向日伎叢叢
管催酣興留闕待曲終長安若為樂應與萬方同

道家四首奉敕撰

金壇啓曙闡真氣肅微微落日銜仙竇初霞拂羽衣香

隨龍節下雲逐鳳簫飛暫住蓬萊戲千年始一歸
窈窕流精觀深沉紫翠庭金奩調上藥寶案讀仙經作
賦看神雨乘槎辨客星祗應謝人俗輕舉託雲輶
金爐承道訣玉牒啓玄機雲逐笙歌度星流宮殿飛乘
風嬉浩蕩窺月弄光輝唯有三山鶴應同千載歸
道記開中錄真官表上清焚香三鳥至煉藥九仙成天
上靈書下空中妙伎迎迎來出煙霧渺渺戲蓬瀛

鳳樓尋勝地

西掖持醇酒東山就白雲
開軒綠池映命席紫蘭芬
舞度花為伴鶯來管作羣
太平多樂事春物共氛氲

幽州夜飲

涼風吹夜雨蕭瑟動寒林
正有高堂宴能忘遲暮心
軍中宜劒舞塞上重笳音
不作邊城將誰知恩遇深

崔禮部園亭得深字

窈窕留清館虛徐步晚陰
水連伊闕近樹接夏陽深
柳蔓憐垂拂藤梢一作苗
愛上尋訝君軒蓋侶非復俗人心

送鄭大夫惟忠從公主入蕃

鳳吹遙將斷龍旗送欲還
傾都邀節使傳酌緩離顏
春磧沙連海秋城月對關
和戎因賞魏定遠莫辭班

送崔二長史日知赴潞州

東山懷卧理南省悵悲翁
共見前途促何知後會同
莫輕一筵宴明日半成空
況爾新離闕思歸迷夢中

同賀八送充公赴荊州

疇昔同聲友騫飛出鳳池
風雲一蕩薄日月屢參差
此

別黃葉下前期安可知誰憐楚南樹不為歲寒移

餞唐州高使君

常時好閒獨朋舊少相過及爾宣風去方嗟別日多淮
流春晚晚江海路蹉跎百歲屢分散歡言復幾何

送王暕自羽林赴永昌令

將星移北洛神雨避東京為負剛腸譽還追強項名白
雲向伊闕黃葉散昆明多謝弦歌宰稀聞桴鼓聲

同王僕射山亭餞岑廣武義得言字

聞道長岑令奮翼宰旅門長安東陌上送客滿朱軒琴
爵留佳境山池借好園茲遊恨不見別後綴離言

送任御史江南發糧以賑河北百姓

河朔人無歲荆南義廩開將興泛舟役必仗濟川才夜
月臨江浦春雲歷楚臺調饑坐相望繡服幾時回

送王尚一嚴嶷二侍御赴司馬都督軍

漢掖通沙塞邊兵護草腓將行司馬令助以鐵冠威白
露鷹初下黃塵騎欲飛明年春酒熟留酌二星歸

送李問政河北簡兵

斗酒貽朋愛躊躇出御溝依然四牡別更想八龍遊
密親仕燕冀連年過寇讐因君閱河朔垂淚語幽州

送薛植入京

青組言從史鴻都忽見求款言人向老飲別歲方秋
髣髴長安陌平生是舊遊何時復相遇宛在水中流

相州前池別許鄭二判官景先神力

數步圓塘水雙鴻戢羽儀一飛喬木上一返故林垂澹

泊舍秋景虛明抱夜規無因留絕翰雲海意差池

岳州宴別潭州王熊二首

絲管清且哀一曲傾一杯氣將然諾重心向友朋開古
木無生意寒雲若死灰贈君芳杜草為植建章臺

縉雲連省閣溝水遽西東然諾心猶在榮華歲不同孤
城臨楚塞遠樹入秦宮誰念三千里江潭一老翁

廣州蕭都督入朝過岳州宴餞得冬字

孤城抱大江節使往朝宗果是臺中舊依然水上逢京

華遙比日疲老颯如冬竊羨能言鳥銜恩向九重

岳州別姚司馬紹之制許歸侍

和玉悲無已長沙宦不成天從扇枕願人遂倚門情方
外懷司馬江東憶步兵問君棲泊處空嶺夜猿驚

送岳州李十從軍桂州

送客之江上其人美且才風波萬里濶故舊十年來劍
拔蛟隨斷弓張鳥自摧陽橋書落落驛馬定先回

岳州別趙國公王十一琚入朝

昔濫貂蟬長同承雨露霏今參魚鰲守望美洞庭歸浦
樹懸秋影江雲燒落輝離魂似征帆

一作旆
又作雁

恒往帝鄉

飛

岳州別子均

離筵非燕喜別酒正銷魂念汝猶童孺嗟予隔遠藩
津亭拔心草江路斷腸猿他日將何見愁來獨倚門

端州別高六戩

異壤同羈竄途中喜共過愁多時舉酒勞罷或長歌南

海風潮壯西江瘴癘多於焉復分手此別傷如何

南中別蔣五岑向青州

老親依北海賤子棄南荒有淚皆成血無聲不斷腸此
中逢故友彼地送還鄉願作楓林一作江楓葉隨君度洛陽

南中別陳七季十

二年共遊處一旦各西東請君聊駐馬省我轉征蓬畫
鷁愁南海離駒思北風何時似春雁雙入上林中

南中別王陵成崇

握手與君別岐路贈一言曹卿禮公子楚媼饋王孫
脩爾生六翮翻飛唳九門常懷客鳥意會答主人恩

嶺南送使

秋雁逢春返流人何日歸將余去國淚灑予入鄉衣
飢狄啼相聚愁猿啼更飛南中不可問書此示京畿

幽州別陰長河行先

惠好交情重

一作惠愛
交千里

辛勤世事多荆南久為別薊北

遠來過寄目雲中鳥留歡酒上歌影移春復間遲暮兩

如何

和朱使欣道峽似巫山之作

江如曉天淨石似暮霞

一作雲

張征帆一流覽宛若巫山

陽楚客思歸路秦人謫異鄉猿鳴孤月夜再使淚沾裳

和朱使欣二首

南土多為寇西江盡畏途山行阻篁竹水宿礙荏蒲使
越才應有征蠻力豈無空傳人贈劍不見虎銜珠

江勢連山遠天涯此夜愁霜空極天靜寒月帶江流思

起南征棹文高北望樓自憐如墜葉泛泛侶仙舟

過庾信宅

蘭成追宋玉舊宅偶詞人筆湧江山氣文驕雲雨神
包胥非救楚隨會反留秦獨有東陽守來嗟古樹春

盧巴驛聞張御史張判官欲到不得待留贈之

旅竄南方遠傳聞北使來舊庭知玉樹合浦識珠胎白

髮因愁改

一作變

丹心

一作誠

託夢迴皇恩若再造為憶不

然灰

南中贈高六戩

北極辭明代南溟宅放臣丹誠由義盡白髮帶愁新鳥
墜炎洲氣花飛洛水春平生歌舞席誰憶不歸人

岳州山城

山城豐日暇閉戶見天心東曠迎朝色西樓引夕陰書
觀千載近學靜二毛深忽有南風至吹君堂上琴

和尹懋秋夜遊澠湖

澠湖佳可遊既近復能幽林裏棲精舍山間轉去舟雁

飛江月冷猿嘯野風秋不是迷鄉客尋奇處處留

與趙冬曦尹忭子均登南樓

危樓瀉洞湖積水照城

一作南

隅命駕邀漁火

一作父

通家

引鳳雖山晴紅蘂匝洲曉綠苗鋪舉目思鄉縣春光定不殊

遊澠湖上寺

湖上奇峰積山中芳樹春何知絕世境來遇賞心人清
舊巖前樂啾嚶鳥獸馴靜言觀聽裏萬法自成輪

晦日

晦日嫌春淺，江浦看蒲衣。
道傍花欲合，枝上鳥猶稀。
共憶浮橋晚，無人不醉歸。
寄書題此日，雁過洛陽飛。

湘州九日城北亭子

西楚茱萸節，南淮戲馬臺。
寧知沅

一作湘

水上復有菊花

杯。亭帳憑高出，親朋自遠來。
短歌將急景，同使興情催。

翻著葛巾呈趙尹

昔日接羅倒，今我葛巾翻。
宿酒何時醒，形骸不復存。
忽

聞有嘉客躡步出間門桃花春徑滿誤識武陵源

戲題草樹

忽驚石榴樹遠出渡江來戲問芭蕉葉何愁心不開微
霜拂宮桂淒吹掃庭槐榮盛更如此慚君獨見哀

岳州贈廣平公宋大夫

亞相本時英歸來復國楨朝推長孺直野慕隱之清傳

節還闔嶂皇華

一作恩

入漢京寧思江上老歲宴獨

一作寒

無成

和魏僕射還鄉

富貴還鄉國光華滿舊林秋風樹不靜君子歎何深故

老空懸劍鄰交日

一作自

散金粟芳搖落盡獨有歲寒心

和張監觀赦

日御臨雙闕天街儼百神雷茲

一作舒

作解氣歲復建寅

春喜候開星驛歡聲發市人金環能作賦來入管弦聲

寄天台司馬道士

世上求真客天台去不還傳聞有仙要夢寐在茲山朱

闕青霞斷瑤堂紫月間何時枉飛鶴笙吹接人間

下江南向夔州

天明江霧歇洲浦棹歌來綠水逶迤去青山相向開城
臨蜀帝祀雲接楚王臺舊知巫山上遊子共徘徊

還至端州驛前與高六別處

舊館分江日

一作口

淒然望落暉相逢傳旅食臨別換征

衣昔記山川是今傷人代非往來皆此路生死不同歸

四月一日過江赴荊州

春色沅湘盡三年客始回
夏雲隨北帆同日過江來
水漫荆門出山平郢路開
比肩羊叔子千載豈無才

湘州北亭

人務南亭少風煙北院多
山花迷徑路池水拂藤蘿
萍散魚時躍林幽鳥任一作歌
悠然白雲意乘興抱琴過

荊州亭入朝

巫山雲雨峽湘水洞庭波
九辨人猶擯三秋鴈始過
旃裘吳地盡髻薦楚言多
不果朝宗願其如江漢何

岳州守歲

除夜清樽滿寒庭燎火多
舞衣連臂拂醉坐合聲歌至
樂都忘我冥心自委和今年只如此來歲知如何

詠塵

仙浦生羅襪神京染素衣
裨山期益峻照日幸增輝
伴寵媒合朝遊鳳輦歸
獨憐范甌下思繞畫梁飛

闕題

婚禮知無賀承家歎有輝
親迎驥子躍吉兆鳳雛飛
溫

席開華扇梁門換聚衣遙思桃李日應賦採蘋歸

深渡驛

旅泊青山夜荒庭白露秋洞房懸月影高枕聽江流猿
響寒巖樹螢飛古驛樓他鄉對搖落併覺起離憂

惠文太子挽歌二首

碣館英靈在瑤山美謚尊剪桐悲曩戲攻玉愴新恩宮
仗傳馳道朝衣送國門千秋穀門外明月照西園

梁國深文雅淮王愛道仙帝歡同宴日神奪上賓年旒

旒飛行樹帷宮宿野煙指言君愛弟揮淚滿山川

節義太子楊妃挽歌二首

西華三公族東闈五可才玉環初受慶金玦反逢灾桂
殿花空落桐園月自開朝雲將暮雨長繞望思臺

昔日三朝路逶迤四望車繡腰長命綺隱髻連枝花今
春戾園樹索然無歲華共傷千載後惟號一王家

韋諤公挽歌二首

五瑞分王國雙珠映后家文飛書上鳳武結笥中蛇出

豫榮前馬廻鸞喪後車袞衣將錫命泉路有光華
國騁雙騏驎庭儀兩鳳皇將星連相位玉樹伴金鄉歌
韓侯家豔軒裘戚里光安知杜陵下碑版已相望

右丞相蘇公挽歌二首

王宰丹青化春卿禮樂才緇衣傳舊職華袞贈新哀路
泣羣官送山嘶駟馬廻佳辰無白日賓閣有青苔

門

一作聞

歌出野田冠帶寢窮泉萬事皆身外平生尚目

前西垣紫泥縛東岳白雲篇自惜同聲處從今遂絕弦

崔尚書挽詞

相宅隆

一作當

坤寶承家占海封
庭中男執雁門外女乘

龍鳴玉遊三省擬金侍九重一朝賓客散留劍在青松

右侍郎

一作常侍

集賢院學士徐公挽詞二首

才美臨淄北名高淮海東
羽儀三省遍漁獵五車通
玉殿孤新榜珠英落舊叢
徒懸一寶劍何處訪徐公

歎息書林友才華天下選
並賦三陽宮集詩集賢殿
具物衣如在咄嗟長不見
既衰薤露詞豈忘平生眷

崔司業挽歌二首

海岱英靈氣膠庠禮樂資風流滿天下人物擅京師疾
起揚雄賦魂遊謝客詩從今好文主遺恨不同時
象設存華館威儀下墓田鳳池傷舊草麟史泣遺編帷
蓋墟煙沒干旌隴日懸古來埋玉樹流恨滿山川

李工部挽歌三首

錦帳為郎日金門待詔時楊宮先上賦柏殿幾連詩瞬
息琴歌斷淒涼簫挽悲那堪霸陵岸回首望京師

宅兆西陵上平生雅志從城臨丹闕近山望白雲重會
葬知元伯看碑識蔡邕無由接神理揮涕向青松
常時好賓客永日對弦歌是日歸泉下傷心無奈何墓
庭人已散祭處鳥來過碑石生苔蘚榮名豈復多

贈工部尚書馮公挽歌三首

忠鯁難為事平生盡畏途如弦心自直秀木勢恒孤詔
葬南陵道神遊北斗樞貴門傳萬石餘慶在雙珠
爵位題龍旒威儀出鳳城路傍人泣送門外馬嘶迎萬

事非吾有千悲是世情昔焉稱夏日今也謚冬卿

窅然長夜臺舉世可哀哉泉戶一朝閉松風四面來石

碑填駸蘇珠服聚塵埃誰言

一作遼東鶴

千年往復廻

徐高御挽歌

蒲密遙千載鳴琴始一追公卿傳世範仁義續靈基不
待南遊祿何先北帝期玉棺從此閉金鼎代相欺

奉和聖製春日幸望春宮應制

別館芳菲上苑東飛花澹蕩御

一作舞

筵紅城臨渭水天

河靜

一作近

關對南山雨露

一作雲霧

通繞殿流鶯几幾樹當

蹊亂蜨許多叢春園既醉心和樂共識皇恩造化同

侍宴隆慶池應制

靈池月滿直城隈
黻帳天臨御路開
東沼初陽疑吐出
南山曉翠若浮來
魚龍百戲紛容與
鳬鷁雙舟較汴洄
願似金隄青草馥

一作色

長承瑤水白雲杯

奉和聖製春日出苑應制

一作矚目應令
一作明皇詩

禁林豔裔發青陽
春望逍遙出畫堂
雨洗亭臯千畝綠

風吹梅李一園香
鶴飛不去隨青管
魚躍翻來入綵航
睿賞歡承天保定
道文更覩日重光

扈從溫泉宮獻詩

溫泉啓蟄氣氤氲
渭浦歸鴻日數羣
騎仗聯聯環北極
鳴笳步步引南熏
松間彩殿籠佳氣
山上朱旗繞瑞雲
不知遠夢華胥國
何如親奉帝堯君

三月三日詔宴定昆池宮

一作官

莊賦得筵字

鳳皇樓下對

一作帶

天泉鶚鵠洲中匝

一作雜

管弦舊識平

陽佳麗地今逢上巳盛明年舟將水動千尋日暮共林
橫兩岸煙不降王人觀禊飲誰令醉舞拂賓筵

先天應令

三陽麗景早芳辰四序嘉園物候新梅花百般障行路
垂柳千條暗廻津鳥驚直為飛風葉魚躍都由怯岸人
唯願聖主南山壽何愁不賞萬年春

舞馬千秋萬歲樂府三首

按唐禮樂志明皇嘗以馬百匹盛飾分左

右施三重榻舞傾杯數十曲壯士舉榻馬不動
樂工少年姿秀者十數人衣黃衫文玉帶立左

右每千秋節舞于勤政樓下千秋節者
明皇以八月五日生因以其日名節云

金天誕聖千秋節玉醴還分萬壽觴試聽紫駟歌樂府

何如騶驥舞華岡

一作觴

連騫勢出魚龍變躡蹠驕生鳥

獸行歲歲相傳指樹日翩翩來伴慶雲翔

聖皇至德與天齊天馬來儀自海西腕足徐行拜兩膝
繁驕不進踏千蹄鬚鬢奮鬣時蹲踏鼓怒驤身忽上躋
更有銜杯終宴曲垂頭掉尾醉如泥

遠聽明君愛逸才玉鞭金翅引龍媒不因茲白人間有

定是飛黃天上來影弄日華相照耀噴含雲色且徘徊
莫言關下桃花舞別有河中蘭葉開

同趙侍御巴陵早春作

江上春來早可觀巧將春物

一作色

妬餘寒水苔共繞留

烏石花鳥爭開鬪鳴欄佩勝芳辰日漸暖然燈美夜月
初團意隨北雁雲飛去直待南州蕙草殘

澧湖山寺

空山寂歷道心生虛谷迢迢野鳥聲禪室從來塵外賞

香臺豈是世中情雲間東嶺千尋

一作重

出樹裏南湖一

片明若使巢由知此意不將蘿薜易簪纓

幽州新歲作

去歲荆南梅似雪今年薊北雪如梅共知人事何常定
且喜年華去復來邊鎮戍歌連夜動京城燎火徹明開
遙遙西向長安日願上南山壽一杯

御定全唐詩卷八十七

欽定四庫全書

御定全唐詩卷八十八

張說

扈從幸韋嗣立山莊應制

并序

嵐氣入野榛煙出谷魚潭竹岸松齋藥畹虹泉電
射雲木虛吟恍惚疑夢間關忘術茲所謂丘壑夢
龍衣冠巢許也

寒灰飛玉琯湯井駐金輿既得方明相還尋大隗居懸

泉珠貫下列帳錦屏舒騎遠林逾密茹繁谷自虛門旗

塹復磴殿幕裏

一作裏

通渠舞鳳迎公主雕龍賦

一作起

婕

妤地幽天賞洽酒樂御筵初菲才叨侍從連藻媿應徐

先一日太平公主上官昭容題

詩數首故詩有舞鳳雕龍之句

奉和聖製喜雪應制

聖德與天同封巒欲報功詔書期日下靈感應時通觸
石雲呈瑞含花雪告豐積如沙照月散似麴從風舞集
仙臺上歌流帝樂中遙知百神喜灑路待行宮

奉和聖製寒食作應制

寒食春過半花穠烏復嬌從來禁火日會接清明朝
敵鷄殊勝爭毬馬絕調晴空數雲點香樹百風搖
改木迎新燧封田表舊燒皇情愛嘉節傳曲宴一作與簫韶

奉和聖製賜崔日知往潞州應制

聖情留一作垂曩鎮佳氣翊興王增戟雄都府高車轉太

常川橫八練濶山帶五龍長連帥初恩命天人舊紀綱
錢塗飛御藻闔境自生光明主徵循吏何年下鳳皇

春晚侍宴麗正殿探得開字

聖政惟稽古賓門引上才
坊因購書立殿爲集賢
開髦彥星辰下仙章日月回
字如龍負出韻是鳳銜
來庭柳餘春駐宮鶯
早夏催喜承芸閣宴
幸奉柏梁杯

奉和聖製花萼樓下宴應制

萬心翹樂宴三舍緩昌時
山接夏雲陰臺留春日遲
節移芳未歇興隔賞仍追
醉後傳嘉惠樓前舞聖慈
皇恩與時合天意若人期
故發前旬雨新垂湛露詩

奉和聖製度蒲關應制

蒲坂橫臨晉華芝曉望秦關城雄地險橋路扼天津樓
映行宮日隄含宮樹春黃雲隨寶鼎紫氣逐真人東詠
唐虞跡西觀周漢塵山河非國寶明主愛忠臣

奉和聖製途經華嶽應制

西嶽鎮皇京中峰入太清玉鑾重嶺應綈綺薄雲迎霽
日懸高掌寒空類削成軒遊會神處漢幸望仙情舊廟
青林古新碑綠字生羣臣願封岱還駕勒鴻名

奉和聖製過王濬墓應制

牛斗三分國，龍驤一統年。
智高寧受制，風急肯迴船。
有策擒吳顓，無言讓范宣。
援孤因勢屈，功重為讒偏。
舊迹灰塵散，枯墳故老傳。
百代逢明主，何辭死道邊。

奉和聖製經河上公廟應制

河上無名老，知非漢代人。
先探道德要，留待聖明玄。
妙為天下清，虛用谷神化。
將和氣一風，與太初鄰靈廟。
觀遺像，仙歌入至真。
皇心齊萬物，何處不同塵。

奉和聖製幸鳳湯泉應制

周狩聞岐禮秦都辨雍名獻禽天子孝存老聖皇情溫
潤宜冬幸遊畋樂歲成湯雲出水殿暖氣入山營坎意
無私潔乾心稱物平帝歌流樂府溪谷也增榮

恩賜樂遊園宴

漢苑佳遊地軒庭近侍臣共持榮幸日來賞艷陽春饌
玉頒王籩撝金下帝釣池臺草色徧宮觀柳條新花綬
光連榻朱顏暢飲醇聖朝多樂事天意每隨人

三月二十日

一作三月三日

詔

一作承恩

宴樂遊園賦得風

字

樂遊形勝地

一作絕

表裏望郊宮北闕連天

一作雲

頂南山

對掌中皇恩

一作情

貸芳月旬宴美成功魚戲芙蓉水鶯

啼楊柳風春光看欲暮天澤戀無窮長袖招斜日留光

待曲終

赴集賢院學士上賜宴應制得輝字

侍帝金華講千齡道固稀位

一作任

將賢士設書共學徒

歸首命深燕隗通經淺漢韋列筵榮賜食送客愧儒衣
賀燕窺簷下遷鶯入殿飛欲知朝野慶文教日光輝

端午三殿侍宴應制探得魚字

小暑夏弦應徽音

一作微陰

商管初願齋

一作齊

長命縷來續

大恩餘三殿褰珠箔羣官上玉除助陽嘗麥穗順節進

龜魚甘露垂天酒芝花

一作盤

捧御書合丹同蝦蟇灰骨

共蟾蜍今日傷蛇意銜珠遂闕如

奉和聖製春中興慶宮酺宴應制

千齡逢啓聖萬域共來威慶接郊禋後醑承農事稀御
樓橫廣路天樂下重闈鸞鳳調歌曲虹霓動舞衣合聲
雲上聚連步月中歸物覩恩無外神和道入微鎬京陪
樂飲柏殿奉文飛徒竭秋雲影何資春日暉

奉和聖製千秋節宴應制

五德生王者千齡啓聖人赤光來照夜黃雲上覆晨海
縣銜恩久朝章獻舞一作壽新高居帝座出夾道衆官陳

槃杖洗清景磬管凝秋旻珠囊含瑞露金鏡抱仙輪何

歲無鄉飲何田不報神薰歌與名節傳代幸羣臣

奉和聖製太行山中言志應制

六龍鳴玉鑾九折步雲端河絡南浮近山經北上難羽
儀映松雪戈甲帶春寒百谷晨笳動千巖曉仗攢皇心
感韶節敷藻念人安既立省方館復建禮神壇扈蹕參
天老承榮忝夏官長勤百年意思見一勝殘

奉和御製與宋璟源乾曜同日上官命宴東堂

賜詩應制

大塊鎔羣品經生偶聖時猥承三事命虛忝百僚師右

揆謀華碩

一作寶

前星傳重資連騫求舊禮濫典

一作玷

樂

賢詩賜釜同榮拜擬金宴宰司菊花吹御酒蘭葉捧天
詞寶歷休明盛顏年晷漏衰少留青史筆未敢赤松期

奉和聖製暇日與兄弟同遊興慶宮作應制

漢武橫汾日周王宴鎬年何如造區夏復此睦親賢巢
鳳新成閣飛龍舊躍泉棣華歌尚在桐葉戲仍傳禁籞
氛埃隔平臺景物連聖慈良有裕王道固無偏問俗兆

人阜觀風五教宣獻圖開益地張樂奏鈞天侍酒一作酌
衢樽滿詢芻諫鼓懸永言形友愛萬國共周旋

奉和聖製送王暉巡邊應制

六月歌周雅三邊遣一作諗夏卿欲施攻戰法先作簡稽

行禮樂知謀帥春秋識用兵一勞堪定國萬里即長城
策有和戎利威傳破虜名軍前雨灑道樓上月臨營別
藻瑤華降同衣錦褰榮關山由義近戎馬一作甲為恩輕
絲竹路傍散風雲馬上生朝廷謂吉甫邦國望君平

將赴朔方軍應制

禮樂逢明主韜鈴用老臣恭憑神武策遠御

一作靜

鬼方

人供帳榮恩餞山川喜詔巡天文日月麗朝賦管弦新

幼志傳三略衰材謝六鈞膽由忠作伴

一作屏

心固

一作故

道為鄰漢保河南地胡清塞北塵連年大軍後不日小

康辰劍舞輕離別歌酣忘苦辛從來思博望許國不謀

身

奉和聖製爰因巡省途次舊居應制

葱鬱興王郡殷憂啓聖圖周成會西土漢武幸南都歲
卜鑾輿邁農祠鴈政敷武威稜外域文教靡中區警蹕
干戈捧朝宗萬玉趨舊藩人事革新化國容殊壁有真
龍畫庭餘鳴鳳梧叢觴祝堯壽合鼎獻湯厨陽樂寒初
變春恩蟄更蘓三者頒命服五稔復田輸君賦大風起
人歌湛露濡從臣觀玉葉方願紀靈符

宿直溫泉宮羽林獻詩

冬狩美秦正新豐樂漢行星陳玄武閣月對羽林營寒

木羅霜仗空山響夜更恩深

一作承

靈液暖節勁

一作效

古

松貞文武皆王事輸心不為名

玄武門侍射并序

開元之初季冬其望天子始御北闕朝羽林軍禮
修事厥後二日乃命紫微黃門九卿六事與熊羆
之將爪牙之臣合宴焉侑以純錦頒以珍器爾其
射墦新成布侯既設輟仗林立帷軒霧布衆官半
醉皇情載悅卷珠箔臨玉除唐弓在手夏箭斯發

應弦命

一作厚

中屬羽連飛弧矢以來未之有也若

夫天地合道星辰獻儀端視和容內正外直自近而制遠耀威而觀德無不通神無不極用是射也其惟聖人乎于時繁雲覆城大雪飛苑天人同澤上下交歡退食懷恩賦詩頌義凡若干篇

射觀通玄闕兵欄闕御筵雕弧月半上畫的暈重圓羿后神幽贊靈王法暗傳貫心精四返飲羽妙三聯雪鶴來銜箭星麟下集弦一逢軍宴洽萬慶武功宣

卷八十八
扈從南出雀鼠谷

豫動三靈贊時巡四海威陝

一作硤

關凌曙出平路半春

歸霍鎮迎雲罕汾河送羽旂山南柳半密谷北草全稀

遲日宜華蓋和風入袷

一作彩

衣上林千里近應見百花

飛

洛橋北亭詔餞諸刺史

離亭拂御溝別曲舞船樓詔餞朝廷牧符分海縣憂股

肱還入郡父母更臨州扇逐仁風轉車隨霖

一作靈

雨流

恩光水上溢榮色柳間浮預待羣方最三公不遠求

東都酺宴

堯舜傳天下同心致太平吾君內舉聖遠合至公情錫
命承丕業崇親享大名二天資廣運兩曜益齊明道暢
昆蟲樂恩深朽蠹榮白主輿久西幸留鎮在東京合宴千
官入分曹百戲呈樂來嫌景遽酒著訝寒輕喜氣連雲
閣歡呼動洛城人間知幾代今日見河清

奉酬韋祭酒嗣立偶遊龍門北溪忽懷驪山別

業呈諸留守之作

一本無上七字

石澗泉虛落松崖路曲廻聞君北溪下想像南山隈近
念鼎湖別遙思雲嶂陪不同奇覲往空覩斯文來歲後
寒初變春前芳未開黃糴嫺岸柳紫萼一作蒼折邛梅盡
室茲遊玩盈門幾樂哉嗟留洛陽陌夢詣建章臺野失
巢由性朝非元凱才布懷欽遠迹幽意日塵埃

奉酬韋祭酒自湯還都經龍門北溪莊見貽之

作

聞君湯井至瀟灑憇郊林拂曙攜清賞披雲覲

一作親綠

岑歡言遊覽意欸曲望歸心是日期佳客同山忽異尋

桃花迂

一作綠

路轉楊柳間門深泛舟伊水漲繫馬香樹

陰繁弦弄水族嬌吹狎沙禽春滿汀色媚景斜嵐氣侵
懷仁殊未遠重德匪專臨來藻敷幽思連詞報所欽

酬崔光祿冬日述懷贈答

并序

太極殿衆君子分司洛城自春涉秋日有遊討既
而韋公出守茲樂便廢頃因公讌方接詠言崔光

祿述志論文首貽雅唱諸公嘉德叙事咸有報章
若夫盛時榮位華景勝會此四者古難一遇而我
輩比實兼之至于精言探道妙識發義戲謔而逢
規戒指諷而見師表益過三友豈易得乎謂膏澤
傍潤芝蘭久襲韋公近之矣以文會友以友輔仁
崔公近之矣其餘尋聲響答望形影赴故亦浚碧
池之漣漪增瑤林之沃若是用綴集勒成一卷永
存几閣之玩無忘歡好之時焉

徐陳嘗並作枚馬亦同時各負當朝譽俱承明主私夫
君邁前侶觀國聘竒姿山似鳴威鳳泉如出寶龜才雄
子雲筆學廣仲舒帷紫綬拂三寺朱門臨九達昔我含
香日聯爾縉雲司朝攜蘭省步夕退竹林期中路一分
手數載來何遲求友還相得羣英復在茲留臺少人務
方駕遽尋追涉玩懷同賞霑芳憶共持迎賓南澗飲載
妓東城嬉春郊綠畝秀秋澗白雲滋名畫披人物良書
討滯疑興來光不惜歡往迹如遺歲晏罷行樂層城間

所思夜魂燈處厭朝髮鏡前衰忽枉佳駒什兼流韋孟
詞曲高彌寡和主善代為師齊戒觀華玉留連歎色絲
終慚起予者何足與言詩

同劉給事城南宴集

水竹幽閒地簪纓近侍臣雍容乘暇日瀟灑出羈塵樹
對思朋鳥池深入養鱗管弦高逐一作入吹歌舞妙含春

老子叨專席歡邀隔搢紳此中情不淺遙寄賞心人

溫泉馮劉二監客舍觀妓

溫谷寒林薄

一作暮

羣遊樂事多佳人蹀駿馬乘月夜相

過秀色然紅黛嬌香發綺羅鏡前鸞對舞琴裏鳳傳歌
妬寵傾新意銜恩奈老何為君留上客歡笑斂雙蛾

寄許八

萬類春皆樂但顏獨不怡年來人更老花發意先衰乳
鵲穿壇畫巢蜂觸網絲平生美容色宿昔影中疑遠道
何由夢同心在者誰西風欲誰語憫默遂無詞

送蘓合宮頌

都邑羣方首商泉舊俗訛變風須愷悌成化佇弦歌疇
昔珪璋友雍容文雅多振纓遊省闈鏘玉宰京河別曲
鸞初下行軒雄尚過百壺非錢意流詠在人和

送喬安邑備

書閣移年歲文朋難復辭歡言冬雪滿恨別夏雲滋外
尹方為政高明自不欺老人駸馭往童子狎離嬉日茂
西河俗寂寥東觀期遙懷秀才令京洛見新詩

送趙二尚書彥昭北伐

虜地河冰合邊城備此時兵連紫塞路將舉白雲司提

劍榮中貴

一作賞

銜珠盛出師日華光

一作鮮

組練風色焰

一作豔

旌旗投筆尊前起橫戈馬上辭梅花吹別引楊柳

賦歸詩

石門別楊六欽望

燕人同竄越萬里自相哀影響無期會江山此地來暮

年傷泛梗累日慰寒灰潮水東南落浮雲西北回俱看

石門遠倚棹兩悲

一作悠哉

南中送北使二首

傳聞合浦葉曾向洛陽飛何日南風至還隨北使歸紅
顏渡嶺歇白首對秋衰高歌何由見層堂一作臺不可違
誰憐炎海曲淚盡血沾衣

待罪居重譯窮愁暮雨秋山臨鬼門路城繞瘴江流人

事今如此生涯尚可求逢君入鄉縣傳我念京周別恨

歸

一作經

途遠離言暮景道夷歌翻下淚蘆酒未消愁聞

有胡兵急深懷漢國羞和親先是詐款塞果為讎言釋繁

應分爵蠲徒幾復侯廉頗誠未老孫叔且無謀若道馮
唐事皇恩尚可收

送趙順直

一作
頤真

郎中赴安西副大都督

一作
護

絕鎮功難立懸軍命匪輕復承遷

一作
還

相後彌重任賢

情將起神仙地才稱禮樂英長心堪繫虜短語足論兵

日授休門法星教置陣名龍泉恩已著

一作
署

燕頷相終

成月窟窮天遠河源入塞清老夫操別翰承旨頌升平

送宋休遠之蜀任

求友殊損益行道異窮申綴我平生氣吐贈薄遊人結
恩事明主忍愛遠辭親色麗成都俗膏腴蜀水濱如何
從宦子堅白共緇磷日月千齡旦河山萬族春懷鉛書
瑞府橫草事邊塵不及安人更能令王化淳

岳州別梁六入朝

遠蒞長沙渚欣逢賈誼才江山疲應接風日復晴開江
樹雲間斷湘山水上來近洲朝鷺集古戍夜猿哀岸杪
含蒼抹河蒲秀紫臺月餘偏地賞心盡故人杯自我違

京洛嗟君此，汴汭容華因。別老交舊與，年顏夢見長安陌。朝宗實盛哉。

相州冬日早衙

城外宵鐘歛闥中，曙火殘朝光曜庭。雪宿凍聚池寒正，色臨廳事疑詞定。筆端除苛囹圄息，伐枳吏人寬河內。功猶淺，淮陽疾未安。鏡中星髮變，頓使世情闌。

岳州西城

水國何遼曠，風波遂極天。西江三紀一作合，南浦二湖

連危堞臨清境煩憂暫豁然九圍觀掌內萬象閱眸前

日去長沙渚

一作浦

山橫雲夢田汀葭變秋色津樹入寒

煙潛穴探靈詭浮生揖聖仙至今人不見跡滅事空傳

岳州觀競渡

畫作飛鳧艇雙雙競拂流低

一作俄

裝山色變急棹水華

浮土尚三閭俗江傳二女遊齊歌迎孟姥獨舞送陽侯

鼓發南湖漜

一作汭

標爭西驛樓並驅常說速非畏日光

道

對酒行巴陵作

留侯封萬戶園令壽千金本為成王業初由賦上林繁
榮安足恃霜露遞相尋鳥哭楚山外猿啼湘水陰夢中
城闕近天畔海雲深空對忘憂酌離憂不去心

岳州宴姚紹之

并序

姚司馬往在柏臺每飲骨鯁及茲荒服偶得官聯
復有令弟美脣芬芳襲予山寺外廬幽深形勝童
冠是集歡言賦詩

杞梓滯江濱光華向日新
難兄金作友媚子玉為人
山水含秋興池亭借善鄰
簷松風送靜院竹鳥來馴
翠簫吹黃菊瑤盤鱸紫鱗
緩歌將醉舞為拂繡衣塵

岳州九日宴道觀西閣

搖落長年歎蹉跎遠宦心
北風嘶代馬南浦宿陽禽
佳此黃花酌酣餘白首吟
涼雲霾楚望濛雨蔽荆岑
登眺思清景誰將卷濁陰
釣歌出江霧樵唱入山林
魚以嘉名采木為美材
侵大道由中悟逍遙非外尋
參佐多君

子詞華妙賞音留題

一作淹留

洞庭觀望古意何深

岳州作

水國生秋草離居再及瓜山川臨洞穴風日望長沙物
土南州異關河北信賒日昏聞怪鳥地熱見脩蛇遠人
夢歸路瘦馬嘶去家正有江潭月徘徊戀九華

遊洞庭湖

平湖曉望分仙嶠氣氛氤鼓枻乘清渚尋峰弄白雲江
寒天一色日靜水重紋樹坐參猿嘯沙行入鷺群緣源

斑篠密罨徑綠蘿紛洞穴傳虛應楓

一作遙

林覺自熏雙

童有靈藥願取獻明君

巴丘春作

日出洞庭水春山挂斷霞江湓相映發卉木共紛華湘
戍南浮濶荆關北望賒湖陰窺魍魎丘勢辨巴蛇島戶
巢為館漁人艇作家自憐心問景三歲客長沙

岳州夜坐

炎洲苦三伏永日卧孤城賴此閒庭夜蕭條夜月明獨

歌還太息幽感見餘聲江近鶴時叫山深猿屢鳴息心
觀有欲棄知返無名五十知天命吾其達此生

別澥湖

念別澥湖去浮舟更一臨千峰出浪險萬木抱煙深南
郡延恩渥東山戀宿心露花香欲醉時鳥嘯餘音涉趣
皆留賞無奇不徧尋莫言山水間幽意在鳴琴

伯奴邊見歸田賦因投趙侍御

爾家歎窮鳥

窮鳥出趙壹
賦故曰爾家

吾族賦歸田

用張衡

莫道榮枯

異同嗟世網牽黃陵浮汨渚青草會湘川去國逾三歲
茲山老二年寒鴉鳴舍下昏虎卧籬前客淚堪斑竹離
亭欲贈荃放言久無次觸興感成篇

清遠江峽山寺

流落經荒外逍遙此梵宮雲峰吐月白

一作日月

石壁淡烟

紅

一作虹

寶塔靈仙湧懸龕造化功

一作工

天香涵竹氣虛

唄引松風簷牖飛花入廊房激水通猿鳴知谷靜魚戲

辨見

一作

江空靜默將何貴惟應心境同

春雨早雷

東北春風至飄飄帶雨來
拂黃先變柳點素早驚梅
樹藹懸書閣煙舍作賦臺
河魚未上凍江蟄已聞雷
美人宵夢著金屏曙不開
無緣一啓齒空酌萬年杯

聞雨

窮冬萬花匝永夜百憂攢
危戍臨江火空齋入雨寒
斷猿知屢別嘶鴈覺虛彈
心對爐灰死顏隨庭樹殘
舊恩懷未報傾膽鏡中看

赦歸在道中作

陳焦心息盡死意不期生何幸光華旦
流入歸上京愁將網共解服與代俱明
復是三階正還逢四海平誰能定禮樂
為國著功成

喜度嶺

東漢興唐歷南河復禹謀寧知瘴癘地
生入帝皇州雷雨蘊蟲蟄春陽放鸞鳩
洄沿炎海畔登降閩山陬嶺路分中夏
川源得上流見花使獨笑看草即忘憂
自始居

重譯天星

一作心

已再周鄉關絕歸望親戚不相求棄杖

枯還植窮鱗涸更浮道消黃鶴去運啓白駒留江妾晨

炊黍津童夜櫂舟盛明良可遇莫後洛城遊

御定全唐詩卷八十八

欽定四庫全書

御定全唐詩卷八十九

張說

奉和聖製潼關口號應制

天德平無外關門東復西不將千里隔何用一丸泥

奉蕭令嵩酒并詩

已下三首俱
賜宴東堂作

樂奏天恩滿杯來秋興高更蒙蕭相國對席飲醇醪

奉宇文黃門融酒

聖德垂甘露天章下大風又乘黃閣賞願作黑頭公

奉裴中書光庭酒

西掖恩華降南宮命席闌詎知雞樹後更接鳳池歡

清夜酌

秋陰士多感雨息夜無塵清樽宜明月復有平生人

醉中作

醉後樂無極

一作無窮樂又作方知樂

彌全

一作

勝未醉時動容皆是

舞出語總成詩

送梁知微渡海東

今日此相送明年此相待天上客星回知君渡東海

寄劉道士鵠

真人降紫氣邀我丹田宮遠寄雙飛鵠飛飛不礙空

書

一作答

香能和尚塔

大師捐世去空餘法力在遠寄無礙香心隨到南海

被使在蜀

即今三伏盡尚自在臨邛歸途千里外秋月定相逢

正朝摘梅

蜀地寒猶暖正朝發早梅偏驚萬里客已復一一作半年

來

蜀道後期

客心爭日月來往預期程秋風不相待先至洛陽城

廣州江中作

去國年一作歲方晏愁心轉一作獨不堪離人與一作共江水

終日向西南

江中誦經

寶相歸懸解虛心暗在通澄江明月內應是色成空

江中遇黃領子劉隆

危石江中起孤雲嶺上還相逢皆得意何處是鄉關

欽州守歲

故歲今宵盡新年明旦來愁心隨斗柄東北望春回

岳州守歲二首

夜風吹醉舞庭戶對酣歌愁逐前年少歡迎今歲多

桃枝堪辟惡爆竹好驚眠歌舞留今夕猶言惜舊年

元朝

一本題作幽州元日

今歲元日

一作元日今歲

樂不謝往

一作去

年春知向來心道誰

為昨夜人

耗磨日飲二首

耗磨傳茲日縱橫道未宜但令不忌醉翻是樂無為
上月今朝減流傳耗磨辰還將不事事同醉俗中人

又

一本此首同前
第一首為二首

春來半月度俗忌一時間不酌他鄉酒惟堪對楚山

九日進茱萸山詩五首

家居洛陽下舉目見嵩山刻作茱萸節情生造化間

黃花宜泛酒青嶽好登高稽首明廷內心為天下勞

菊酒攜山客萸囊繫牧童路疑隨大隗心似問鴻蒙

九日重陽數三秋萬寶成時來謁軒后

一作石

罷去坐蓬

瀛

晚節歡重九高山上五千醉中知遇聖夢裏見尋仙

岳州看黃葉

白首看黃葉，但願復幾何。空慙棠樹下，不見一作政成。

未有

歌

嶺南送使二首

獄中生白髮，嶺外罷紅顏。古來相送處，凡得幾人還。
萬里投荒裔，來時不見親。一朝成白首，看取報家人。

傷妓人董氏四首

董氏嬌嬈性，多為窈窕人。隨秋月落韻，入擣衣聲。

粉藥粘妝籠金花
竭翠條夜臺無戲伴
魂影向誰嬌
舊亭紅粉閣宿處
白雲關春日雙飛去
秋風獨不還
舞席沾殘粉
歌梁委舊塵
獨傷窗裏月
不見帳中人

春閨怨

三月時將盡
空房妾獨居
蛾眉愁自結
鬢髮沒情梳

破陳樂詞二首

樂苑曰商調曲也唐太宗所造
明皇又作小破陳樂亦舞曲也

漢兵出頓金微照日光
明鐵衣百里火旂焰
焰千行雲
騎霏霏蹙踏遼河自竭
鼓譟燕山可飛正屬
四方朝賀

端知萬舞皇威

少年膽氣凌雲共許驍雄出羣匹馬城西挑戰單刀薊
北從軍一鼓鮮卑送款五餌單于解紛誓欲成名報國
羞將開閣論勲

舞馬詞六首

萬玉朝宗鳳宸千金率領龍媒眄鼓凝驕蹀躞聽歌弄

影徘徊

聖代昇平樂

天鹿遙徵衛叔日龍上借羲和將共兩驂爭舞來隨八

駿齊歌

聖代昇
平樂

綵旄八佾成行時龍五色因方屈膝銜杯赴節傾心獻

壽無疆

四海和
平樂

帝皐龍駒沛艾星蘭驥子權奇騰倚驤洋應節繁驕接

迹不移

四海和
平樂

二聖先天合德羣靈率土可封擊石騂驪紫燕擬金顧

步蒼龍

四海和
平樂

聖君出震應籙神馬浮河獻圖足踏天庭鼓舞心將帝

樂躋蹕

四海和平樂

奉和三日袞禊渭濱應制

青郊上巳豔陽年
紫禁皇遊袞渭川
幸得歡娛承湛露
心同草樹樂春天

桃花園馬上應制

林間豔色驕天馬
苑裏穠華

一作妝

伴麗人願逐南風飛

帝席年年含笑舞青春

奉和聖製幸韋嗣立山莊應制

西京上相出扶陽東郊別業好池塘自非仁智符天賞
安能日月共回光

奉和聖製同玉真公主遊大哥山池題石壁

池如明鏡月華開山學香爐雲氣來神藻飛為鵲鵲賦
仙聲颺出鳳凰臺

十五日夜御前口號踏歌詞二首

花萼樓前雨露新長安城裏太平人龍銜火樹千重

一作

燈焰雞踏

一作上

蓮花萬歲

一作樹

春

帝宮三五戲春臺行雨流風莫妬來西域燈輪千影合
東華金闕萬重開

蘇摩遮五首

摩遮本出海西胡琉璃寶服紫髯鬚聞道皇恩遍

一作環

宇宙來將歌舞助歡娛

億歲樂

繡裝帕

一作拍

額寶花冠夷歌騎

一作妓

舞借人看自能激

水成陰氣不慮今年寒不寒

億歲樂

臘月凝陰積帝臺豪

一作齊

歌急鼓送寒來油囊取得天

河水將添上壽萬年杯

億歲樂

寒氣宜人最可憐故將寒水散庭前惟願聖君無限壽

長取新年續舊年

億歲樂

昭成皇后帝

一作之

家親榮樂諸人不比倫往日霜前花

委地今年雪後樹逢春

億歲樂

三月三日定昆池奉和蕭令得潭字韻

暮春三月日重三春水桃花滿襖潭廣樂逶迤天上下

仙舟搖衍鏡中酣

和尹從事悉泛洞庭

平湖一望上

一作水望

連天林景千尋下洞泉忽驚水上光

華滿疑是乘舟到日邊

送梁六自洞庭山作

巴陵一望洞庭秋日見孤峰水上浮
聞道神仙不可接心隨湖水共悠悠

同趙侍御望歸舟

山度迢迢面長川江樹重重極遠煙
形影相追一作隨高

翦鳥心腸併斷北風

一作船飛


襄陽路逢寒食

去年寒食洞庭波
今年寒食襄陽路
不辭著處尋山水
祇畏還家落春暮

附詠方圓動靜示李泌

詳見泌集

方如棋局圓如棋子
動如棋生靜如棋死



御定全唐詩卷八十九